

Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2013-yil 23-yanvar, chorshanba № 6 (15644)

Тошкент шахрида «Ўзбекистон Республикасида ёшлар сиёсатини амалга оширишнинг долзарб масалалари» мавзусидаги республика илмий-амалий анжумани бўлиб ўтмоқда

Navqiron avlod so'zi

Юртимиз ободлигига камарбастамиз!

Президентимиз жорий йилни юртимизда «Обод турмуш йили» деб эълон қилди. Юртимизнинг барча ҳудудларида турмушимиз ободлиги, ҳаётимиз фаровонлигини янги босқичга кўтариш йўлидаги саъй-ҳаракатлар авж олди. Хусусан, биз яшайдиган Чироқчи туманида бир-бирдан кўркам, улғувор иншоотлар, тураржойлар, замонавий таълим андозалари даражасида жиҳозланган ўқув масканлари, қишлоқ врачлик пунктлари, болалар ва ўсмирлар спорт мактаблари барпо этиляпти.

Ён-атрофимдаги тенгдошларимни кузатар эканман, уларнинг интилишидан, тириш-қоқлигидан ҳайратга тушаман. Улар шунча куч-ғайратни қайдан олишяпти, деб ўйлайман. Нигоҳларида қатъиятни, бамисоли улкан чўққиларни забот этишни кўзлаган моҳир альпинистлар шижоатини кўргандек бўламан. Шунда саволимга жавоб топгандек бўламан: ахир, шунча имкониятлар бўла туриб, ўқимаслик, изланмаслик, бирор эзгу мақсад йўлида интилмаслик мумкинми? Албатта, йўқ! Зеро, қайси соҳада бўлмасин, кўнглига яхши ниятни жо қилиб, қийинчиликларни енгиб ўтган тенгдошларимиз зафар кучаётганига, меҳнати муносиб кадр топаётганига гувоҳ бўляпмиз.

Бундай юксак эътибордан мен ҳам баҳраманд эканимни фахрланиб айтаман. 2007 йилда санъат йўлидаги камтарона саъй-ҳаракатларим юксак тақдирланди — Зулфия номидаги Давлат мукофотига лойиқ деб топилдим. Йўналишим бўйича Ўзбекистон миллий университетига имтиёзли қабул қилиндим. Ўқишни тамомлаб, айна пайтда Маънавият тарғибот марказининг Чироқчи тумани бўлими бош мутахассиси бўлиб меҳнат қиляпман. Мустаҳкам оила йилида ўтказилган «Энг фаол маънавият тарғиботчиси — 2012» республика кўрик-танловида «Энг ёш маънавият тарғиботчиси» номинацияси ғолиби бўлдим. Бу серкуёш заминда, офтобқалб, меҳридарё инсонлар орасида яшаётган кизга, яъни менга нечоғлик қувонч бахш этганини таърифлашим қийин.

Истиқлол имкониятлари ҳақида гап кетар экан, Чироқчи туманида камол топиб, жаҳон бўйлаб юртимиз шарафини ҳимоя қилаётган Нодира Нодиржонова, Сарвиноз Эргашева, Гўзал Раҳмонова сингари спортчи тенгдошларимиз кўлга киритаётган ғалабалар кўз олдимга келади. Уларни муваффақиятлар сари илҳомлантирган, ғалабага чорлаган омил юртимизда бизга, ёш авлодга қаратилган юксак эътибор ва ғамхўрлик эканига такрор иккор бўламан, қалбимда чексиз ғурур ёнади!

Зарнигор АХМЕДОВА,
Зулфия номидаги
Давлат мукофоти соҳибаси



Ғолиблик яхши, аммо асосийси у эмас

«Kamolot» hududi

«Ўзметкомбинат» ОАЖдаги «Ёшлик» спорт-соғломлаштириш мажмуасида корхонада меҳнат қилаётган ёш ишчи ва ходимлар ўртасида спорт мусобақаси ташкил қилинди. Лойиҳа «Kamolot» ЁИХ бошланғич ташкилоти ташаббуси билан амалга оширилди. Унда комбинатнинг ўттизга яқин таркибий бўлинмаларидан икки юздан зиёд ёшлар иштирок этишди.

— Ёш металлурглр учун спорт тадбирларини доимий ўтказиб келамиз, — дейди Ҳаракатнинг бошланғич ташкилоти етакчиси Беҳзод Қодиров.

— Бу йилги мусобақаларда қизлар ҳам қатнашишди. Эрақлар волейбол, армрестлинг бўйича беллашган бўлса, қизлар стол тенниси ва шашка ўйин-

ларида ўзларини намоён этишди.

Қизлар ўртасида стол тенниси бўйича 1-ўрин комбинат марказий лабораторияси ходимаси Т.Поповага, шашка бўйича эса, биринчилик мактабгача тарбия муассасалари бўлими ходимаси З.Нумановага насиб этди. Армрестлинг мусобақасида 70 килограммгача вазнда 2-навли прокат цехи ишчиси З.Шодиев, 80 ки-

лограммгача вазнда механика таъмирлаш цехи ишчиси А.Маматқулов, 90 килограммгача вазнда килорид сикув цехи ишчиси С.Тагбаев ғолиб деб топилди. Цехлар ўртасида бўлиб ўтган волейбол мусобақасида 2-навли прокат цехи жамоаси биринчи ўринга сазовор бўлди.

Мусобақанинг барча ғолиб ва совриндорлари корхона раҳбарияти томонидан кубок, диплом ва совғалар билан тақдирландилар.

Наргиза БАҲОДИРОВА,
«Turkiston» мухбири

Bir qadam oldinda

Табиатга уйғун иқтидор

Оқбош қандай ўсимлик? Сизни билмадим-у, лекин бугдой етиштирадиган фермер деҳқонларимизнинг жавоби тайин. Чунки ушбу ўсимлик уларнинг ашаддий «душман»ларидан бири. Бир илдиздан бир нечта поя чиқариб, арпага ўхшаб ўсадиган ушбу ўсимлик баҳор ойида бугдойзорларда кўпайишни бошлайди. Агар у ўз вақтида йўқ қилинмаса, бугдой ҳосилига жиддий хавф солиши мумкин.

Энди ўзингиз ўйланг, шундай ўсимликдан санъат асари яратиш мумкинми? Мумкин экан. Бунга тенгдошимиз Жасур Жумаев яратган асарларни кўзатиб амин бўлдик. Оддий сомон поясидек ўсимликдан яратилган бундай асарларга қараб, бу она табиатда мавжуд ҳар бир ўсимлик ўз ўрнига эга эканлигига яна бир бор ишонч ҳосил қилсан, киши.

Бундай бетакрор санъат ишларининг устаси бўлган тенгдошимиз билан яқинроқ танишинг. Жасур Жумаев Тошкент вилояти Бўстонлиқ тумани Сижжак қишлоғида туғилиб ўсган. Айни кунда Камолитдин Бехзод номидаги миллий расмлик ва дизайн институтининг тасвирий санъат факультети магистранти.



— Болалигимдан санъатга қизиққанман, — дейди Жасур. — Лекин сомон санъати билан шуғулланишни ногиронлик аравачасига ўтирганимдан сўнг бошлаганман. Уйда бекор ўтирмаслик учун оддий оқбош (рахматли бувимнинг айтишича, бу ўсимлиكنинг эски номи курис экан) ўсимлигидан турли шаклларни ясардим. Айнан сомонда ишлаш, унинг рангсиз ва табиийлиги менда катта қизиқиш уйғотган. Аста-секинлик билан маҳоратимни ошириб бордим. Институтга ўқишга кирганимдан сўнг устозим, Ўзбекистон Бадий академияси аъзоси Отабек Йўлдошевдан сомон санъати йўналишини ўргандим. Иш материализми бугдойзор ва тоғ ёнбағирлардан териб келамиз. Тоғда ўсган ўсимлик ёрқинроқ рангга бўлади. Уларни сувда иватамиз. Белгиланган вақт ўтгандан сўнг пояларни битта-битта олиб, ҳар бир бўғинини кесиб, ўртасидан бўламиз ва дазмолда текислаб қуритамиз.

— Энди кейинги ишга ўтамиз, — дея давом этади Жасур. — Бирор нарсани яшадан олдин унинг чизмасини қоғозга туширамиз. Шаклга қараб, сомонни кесиб чиқамиз ва қоғозга ёпиштирамиз. Қоғоз сомонларнинг жипслигини сақлаб туради. Шундан сўнг махсус куйдирувчи асбоб ёрдамида шаклга безак берамиз. Бу асбоб бизнинг ишимизда рангли қалам вазифасини ўтайди.

Тенгдошимизнинг айтишича, сомон



санъатининг юртимизда пайдо бўлганига 10-15 йил бўлган. Унинг архитектура, геродика, натюрморт, миниатюра, пейзаж, карикатура, каллиграфия йўналишлари мавжуд. Сомон санъати ёрдамида ясаладиган битта 10x15 ҳажмдаги ишга уч-беш кун кетар экан. Жасурнинг энг катта иши — бу «Гўри Амир макбараси» ҳисобланади. Катталиги икки қулочга тенг бу асар ярим йилда яратилган.

Жасур, аввало, ўзининг, қолаверса, яқинларининг қўллаб-қувватлаши ҳамда мамлакатимизда имконияти чекланган ёшларга кўрсатилаётган ғамхўрликлар натижасида турли танлов ва кўргазмаларда қатнашиб, бетакрор санъат асарларини намойиш этиб келяпти. Жумладан, «Келажак овози» кўрик-танлови ғолиби, «Асрлар садоси» анъанавий маданият фестивали, «Базар-арт» кўргазма-ярмаркасининг ҳамда Ўзбекистон Бадий академияси томонидан ўтказилган «Озод юртнинг обод пойтахти», «Ватани улуғлар навқирон авлод», «Баркамол авлод — юрт келажаги», «Темурийлар даври ренессанси», «Тасвирий санъат+5» ҳафталиги каби танлов-кўргазмаларнинг фахрли иштирокчиси. 2011 йилда Президент соврини учун «Ташаббус» кўриктанловининг республика босқичида «Менинг юртим — менинг ифтихорим» номинацияси ғолиби бўлди. 2009 йилдан Ўзбекистон расомлари, санъатшунослари ва халқ усталарининг «Ижод» уюшмаси аъзоси.

Ёш иқтидор эгаси нафақат ўқишда, балки жамоат ишларида ҳам етакчилар қаторидан ўрин олган. У Конституция-миз қабул қилинганининг 20 йиллиги арафасида «Ўзбекистон белгиси» кўкрак нишони билан тақдирланди.

— Бу ишонччи оқлаш учун янада яхшироқ ўқишга, янги ижодий ишлар яратишга ҳаракат қиламан. Бунда мен таълим олаётган институтнинг жонкуяр устоз-мураббийлари кўмакдош. Биз, ижодкорлар ҳар доим изланишдамиз. Бир кун янгилик яратишдан тўхтасак, орда қолиб кетишимиз мумкин.

Тенгдошимиз ўқиш билан бирга пойтахтимиздаги «Хастимом» масжидида жойлашган устахонасида ижод қилмоқда. Жасурнинг айтишича, сомон санъати йўналишида яратилган маҳсулотлар хорижлик сайёҳларда катта қизиқиш уйғотмоқда. Уларда бизнинг хунармандчилигимизга, айниқса, қўл меҳнати ёрдамида табиий маҳсулотлардан яратилаётган буюмларга талаб катта.

Қаранг-а, деҳқонларимиз илдизи билан қуришига интилаётган ўсимликдан тайёрланган маҳсулотлар хорижликларни ҳам маҳлиб этмоқда. Шунга айтишадим-да, ҳар бир ёмоннинг бир яхшиси бор, ҳар бир яхшининг бир ёмони бор деб. Нима дедингиз?!

Рустам ЮСУПОВ,
«Turkiston» муҳбири

Kun mavzusi

Лудомания нима? Ундан қанчалик хабардорсиз? «Камолот» ёшлар ижтимоий ҳаракати Қашқадарё вилояти кенгаши бу каби хунук одатлар ҳақида ёшларни огоҳ этиш мақсадида вилоят маънавият тарғибот маркази, халқ таълими бошқармаси, республика саломатлик ва тиббиёт статистика институти вилоят филиали ҳамкорлигида «Эҳтиёт бўлинг, лудомания!» мавзуида тарғибот акциясини ўтказмоқда.

Қалбда фақат эзгулик унсин!

Ушбу акция ахборот хуружларига қарши курашиш, ёшларда оммавий хуружларга нисбатан мафкуравий иммунитетни шакллантириш, шафқатсизлик, ахлоқсизлик каби иллатларга йўл очадиган компьютер ўйинларининг мактаб ўқувчилари орасида оммалашиб кетишининг олдини олишга қаратилган.

Мактабларда бўлиб ўтаётган тарғибот акциясида «Эҳтиёт бўлинг, лудомания!», «Ёшларнинг маънавий-ахлоқий дунёси» мавзуларида давра суҳбатлари ўтказилмоқда. Унда Ҳаракатнинг вилоят кенгаши, вилоят маънавият тарғибот маркази, республика саломатлик ва тиббиёт статистика институти филиали мутахассислари мавзуга доир маърузалари билан қатнашмоқда.

Давра суҳбатларида республика саломатлик ва тиббиёт статистика

институти вилоят филиали томонидан компьютер ўйинларининг ўсмирларга, инсон саломатлигига психологик таъсирлари, унинг зарarli оқибатлари ҳақида тайёрланган видеоролик намойиш этиляпти. Ўтказилаётган тадбирларда ёшларнинг мавзуга оид фикр-мулоҳазалари тингланиб, саволларига жавоб қайтарилмоқда.

— «Оммавий маданият»нинг бир бўлаги бўлган лудомания касаллигининг белгилари, асосан, ўсмир ёшларда, хусусан, 5-, 6-, 7-, 8-синф ўқувчилари орасида намоён бўлади, — дейди вилоят маънавият тарғибот маркази бош мутахассиси Бахтиёр Рўзиев. — Сабаби, бу ёшдаги болаларда ҳали мустақил фикрлаш, атроф-муҳитга, воқеаларга танқидий муносабат билдириш, баҳо бериш қобилияти паст бўлади. Шу боис улар

бўш вақтларини компьютер ўйинларига бағишлашни афзал биладилар. Натижада, жангари ўйинларни мунтазам ўйнайдиган ёшлар қалбда ёвузлик, зўравонлик, шафқатсизлик иллатлари, феъл-атворларида эса, тажовузкорлик, асабийлик ва уришқоқлик ҳолатлари пайдо бўляпти.

Бундан кўриниб турибдики, ҳар биримиз шу юрт, шу миллат келажаги учун қайғуришимиз, ёш авлод қалбда эзгулик куртакларини шакллантиришимиз зарур. Бундай тадбирлар эса хайрли ишлар давомидир.

Акция 24 январга қадар вилоятдаги умумтаълим мактабларида бўлиб ўтади.

Гавҳар ТАТАЕВА,
«Камолот» ЁИХ
Қашқадарё вилояти
кенгаши бўлим
мудир

Hademay mutaxassis bo'lishadi

Бағдод иқтисодиёт ва маиший хизмат касб-хунар коллежи 615 ўринга мўлжалланган бўлиб, 2009 йилда фаолият бошлаган. 1 минг 388 нафар қишлоқ ёшлари беш йўналишда таълим олаётган мазкур таълим муассасасида 119 нафар устоз ўқувчиларнинг мукамал таълим олишлари йўлида бор куч ва имкониятларини сафарбар этган.

Муштарак мақсадлар



— Биз таълим самарадорлигини ошириш, дарсларни илғор педагогик технологиялардан кенг фойдаланган ҳолда ташкил этишга алоҳида эътибор қаратамиз, — дейди коллеж директорининг ўқув ишлари бўйича ўринбосари Валишер Мирзааҳмедов. — Бу ўқувчиларимизнинг ўтилаётган мавзунини яхши ўзлаштириши, фанга бўлган қизиқиши ортишига сабаб бўлади. Энг муҳими, биз тайёрлаётган мутахассислар ўз соҳасининг билимдони бўлишига эришамиз.

Коллежда ўқувчиларнинг бўш вақтини мазмунли банд этиш мақсадида 38 та фан, 20 та касбий тўғарак ва 11 та спорт секцияси фаолияти йўлга қўйилган. «Камолот» ёшлар ижтимоий ҳаракати бошланғич ташкилоти ва ўқув юрти ўртасидаги ҳамкорлик барча маънавий-маърифий тадбирлар, турли кечаларни мазмунли ва самарали ташкил этишда катта натижа беряпти. Иқтидорли ёшлар билан ишлаш, уларнинг истеъдодини юзага чиқаришга кўмаклашиш мақсадида ташкил этилган «Иқтисод билимдонлари» клубига ҳам бошланғич ташкилот етакчиси Ихтиёр Абдуганиевнинг раҳбарлик қилиши айни муддаодир.

Нодиржон ЮСУПОВ,
«Turkiston» муҳбири

СУРАТДА: кимё фани ўқитувчиси Ирода Маматкулова ўқувчилар билан «Тўйинган углеводородларнинг хоссалари» мавзуида лаборатория иши ўтказяпти.

Ижод — бу ўзини қийнаш, машаққат чекиш, ҳузур-ҳаловатдан воз кечиш, том маънода фидойилик демакдир. Чинакам ёзувчи одамларнинг дарду ғами билан яшаши, халқ ичига кириб бориши, ўзи учун илҳомни, янги мавзуларни шу ҳаётдан, унда бўлаётган ўзгаришлардан олиши кераклигини барчамиз яхши биламиз.

Ислом КАРИМОВ

(«Адабиётга эътибор — маънавиятга, келажакка эътибор» китобидан)

Оила — менинг қутлуғ боғим

Ўзбекистон Ёзувчилар уюшмасида шундай номланган ёшлар адабий баёзининг тақдироти бўлиб ўтди

Бир инсон дунёга келар экан, у билан янги орзу-умидлар ҳам бирга туғилади. Ёруғ истаклар, улуғ мақсадлар, тотли режалар пайдо бўлади. Қисқаси, бир инсоннинг бу ҳаёт майдонида пайдо бўлишининг ўзи — улкан воқелик.

Китобнинг дунёга келиши ҳам шундай. Чунки китобнинг ҳам одамзотники каби ўз умри, қадр-қиммати бўлади. Китобнинг туғилиши қандай буюк ҳодиса бўлмасин, барибир унинг кейинги тақдири биз, одамлар учун шунчалик муҳимдир.

Яқинда ёш адабиёт муҳиблари учун ана шундай буюк ҳодисалардан бири юз берди — янги китоб дунёга келди. У — юраги ёниқ ўттизта ёш ижодкорнинг шеърларидан иборат «Оила — менинг қутлуғ боғим» тўпламидир.

Ўзбекистон Ёзувчилар уюшмасида ушбу тўпламнинг тақдироти бағишланган тадбир бўлиб ўтди. Унда ёш қаламкаш дўстларимиздан ташқари, адабиёт ва шеърят ихлосмандлари, «Камолот» ёшлар ижтимоий ҳаракати Марказий Кенгашидан вакиллар, таниқли ва эл суйган шоирлар иштирок этди.

«Мустаҳкам оила йили» Давлат дастурининг ижросини таъминлаш борасида «Камолот» ёшлар ижтимоий ҳаракати ташаббуси билан нашр этилган ушбу тўплам тенгдошларимиз ижодида ўзига хос воқелик бўлди, дейиш мумкин. Буни тадбирда сўз олган устоз шоирлар эътирофидан ҳам англаш қийин бўлмади. Ўзбекистон Ёзувчилар уюшмаси раисининг биринчи ўринбосари, халқ шоири Сирожиддин Саййид, халқ шоирлари Омон Матжон, Маҳмуд Тоир, Иқбол Мирзо ва бошқа ижодкорлар бугун юртимизда ижод аҳлига, шоир ва ёзувчиларга, умуман, адабиёт соҳасининг барча вакиллари яратиб берилаётган имкониятлар, бугунги адабий жараёндаги ёшларнинг фаоллиги ҳақида гапиришар экан, ушбу ёшлар баёзининг нашр этилгани Юртбошимизнинг адабиёт аҳлига қаратаётган катта эътиборининг меваси эканини алоҳида таъкидладилар.

— Тўпламдан ижод намунаси ўрин олган ҳар бир ёш қаламкаш қандай ҳам бахтли, — деди Ўзбекистон халқ шоири Маҳмуд Тоир. — Улар-

нинг нигоҳида мен келгусида шеърятни ўзининг тақдири деб биладиган юракнинг учкунларини кўраяпман. Билинги, азиз шоир укалар, сингиллар, кимки юракни чимчилаб, ўз ҳаловатидан кечиш ижод қилса, унинг меҳнатлари ҳеч қачон ерда қолмайди. Барча устозларингиз, адабиётнинг чин мухлислари сизлардан ана шундай фидойилик, адабиётга садоқатни кутади.

«Камолот» ёшлар ижтимоий ҳаракати Марказий Кенгаши раисининг биринчи ўринбосари Феруза Муҳаммаджоннова ҳам сўз олиб, ёшларга ўз тилақларини билдирди.

— Инсон ҳаётни адабиёт орқали яхшироқ танийди, — деди у. — Сизларнинг мана шундай машаққатли ва шарафли йўлни танлаганингизни кўриб, ҳавас қилаяпман. Адабиёт — бу катта бир бўстон. Унда киши ўз сўзи ва ўрнига эга бўлиши осон эмаслигини, ўйлайманки, сизлар жуда яхши англайсизлар. Ҳаммангиз кузатиб бораётган бўлсангиз керак, бугун дунёда турфа воқеалар содир бўлмоқда. Аллақайси мамлакатларда одамзот табиятига, умуман, маънавиятга зид ҳодисаларнинг юз бераётганининг гувоҳи бўлаяпмиз. Ким билсин, бу ҳам у ерларда маънавиятга, адабиётга «иккинчи даражали» масала сифатида қаралаётгани тўғрисида, эҳтимол. Чунки тарихдан ҳам маълумки, қаерда ва қачон адабиётга, маънавиятга эътибор кучли бўлса, у ерда юксалиш бўлган, юртнинг юзи бўлган фарзандлар етишиб чиққан. Аксинча бўлганда эса... Шу маънода муҳтарам Президентимизнинг «Адабиётга эътибор — маънавиятга, келажакка эътибор» деган пурмаъно

сўзлари нақадар ҳаётий, нақадар фундаментал фикр эканига яна бир бор ишонч ҳосил қиласан, киши.

Феруза Муҳаммаджоннова мазкур тўплам ҳақида ҳам ўз фикрларини билдира туриб, ёш ижодкорларни хурсанд қиладиган яна бир янгиликка тўхталди.

— Насиб этса, «Оила — менинг қутлуғ боғим» баёзининг аудио версиясини ҳам тайёрлаш ниятимиз бор, — деди у. — Бу борада «Камолот» ёшлар ижтимоий ҳаракатида аллақачон иш бошлаб юборилган. Яқин орада барчангизнинг қўлингизда бу мўъжаз тўплам-

рини ўқиш-ўрганиш билан сайқаллаб боришдан тўхташмайди.

«Янги аср авлоди» нашриётида чоп этилган ушбу тўпламдан, юқорида таъкидланганидек, ўттиз нафар ёш қаламкашнинг шеърлари ўрин олган. Улар орасида биринчи китоблари аллақачон ўқувчилар қўлига етиб борган, бинобарин, адабиёт аҳлига анча-мунча танилиб қолган тенгдошларимиз, дўстларимиз ҳам бор. Кўпчилиги билан адабий давраларда, таҳририятларда учрашиб, суҳбатлашиб турсак-да, уларни барибир шеърлари орқа-

Инсон ҳаётни адабиёт орқали яхшироқ танийди. Адабиёт — бу катта бир бўстон. Унда киши ўз сўзи ва ўрнига эга бўлиши осон эмас. Қаерда ва қачон адабиётга, маънавиятга эътибор кучли бўлса, у ерда юксалиш бўлган, юртнинг юзи бўлган фарзандлар етишиб чиққан. Шу маънода муҳтарам Президентимизнинг «Адабиётга эътибор — маънавиятга, келажакка эътибор» деган пурмаъно сўзлари нақадар ҳаётий, нақадар фундаментал фикр эканига яна бир бор ишонч ҳосил қиласан, киши.

нинг CD варианты ҳам бўлади.

Тадбирда иштирок этган ёш ижодкорлар ўзларининг шеърларидан ўқиб беришди. Мушоира қизғин, муносабатлар самимий бўлди. Тадбир тадбир эмас, адабий-бадий кеча бўлди. Устоз шоирлар адабиётга бири жавлон уриб, бири ўтдай ёниб, бири митти юлдуз бўлиб, яна бири «тупроқ сочиб ўйнаб, сойни ёқалаб кириб келаётган» (Кумуш Ўсарова сатри) навқирон қаламкашларнинг ижоди ҳақида ўз фикр-мулоҳазаларини билдиришди.

— Шеърят уни севган инсонга, айниқса, ўз олдида шоир бўлман деган қатъий мақсад қўйган кишига улкан масъулият юклайди, — деди таниқли шоир Турсунбой Адашбоев. — Шеърда фикр бўлмаса, қутилмаган ташбеҳлар, ифодалар бўлмаса, у шеър бўлмайди. Тўпламда ижод намуналари берилган ёш шоирларнинг кўпининг ижодини кузатиб бораман. Улар адабиётимиз умидлари. Ўйлайманки, улар ўз устида ишлашдан, яъни иқтидорла-

ли кўпроқ билиш, тушуниш мумкинлигини ушбу тадбирда яхшироқ ҳис этдик.

— Шоирлик бу фақат шеър ёзиш эмас деб ўйлайман, — дейди тўпламга шеърлари киритилган ёш ижодкорлардан бири Шавкат Одилжон. — Бу умр бўйи изланиш, илм олиш ҳамдир. Мен кимни ўқисам, ундан албатта нима нидир ўрганишга ҳаракат қиламан. Устоз ижодкорларимизнинг барчасидан ўрганаман, тенгдошларимни ҳам ўқиб бораман. Ифтихор Хонхўжаев, Обидхон Мамадалиев, Кумуш Ўсарованинг ижодини мунтазам кузатиб, қайси биридан сўз қўллашни, қайси биридан янгича ифодани ўрганишга интиланман. Уларнинг ижодида кўнглимга яқин жиҳатлар кўп. «Оила — менинг қутлуғ боғим» баёзи баҳонасида бошқа тенгдошларимнинг ижоди билан ҳам яқиндан танишиш имконига эга бўлганимдан хурсандман.

Истеъдодли ёш шоирлардан яна бири Баҳодир Баҳром ўз сўзига, услубига эга ижод-



кор яхши ижодкор бўла олди, аммо зўр шоир ёки адиб бўлиш учун катта ва соф қалбга эга бўлиш керак, дейди.

— Мен ана шундай катта қалбга эга шоирларга ҳавас қиламан, — дейди Баҳодир. — Халқ дилидаги сўзларни улар топиб айтишади. «Оила — менинг қутлуғ боғим» баёзини қўлимга олиб, тенгдошларим ичидан ана шундай шоирлар етишиб чиқаётганидан қувондим. Очиғи, ҳали китобни тўлиқ ўқиб чиқмадим, аммо уни мутолаа қилиб бўлгач, кўнглим тўлишига ишонаман.

Тўпламни ўқиб, чиндан ҳам кишининг кўнглини аллақандай ёқимли туйғулар чулғайди. Бобур Элмуродов шеърларидаги изтиробнинг бошқа айрим ёш шоирларда учрайдиган яланғоч, одамнинг гашини келтирадиган, қуруқ эмас, дардчил, аммо нозик, юракка етиб борадиган ифодаси («Фотоаппарат ва мен» — 29-бет, «Юк» — 30-бет), Ориф Толиб шеърларидаги лирик қаҳрамон руҳиятининг содда, самимий талқини («Энди эслаб...» — 47-бет, «Изн» — 47-, 48-бетлар) сизни ана шундай ҳисларга чорлайди. Кумуш Ўсарова, Дилмурод Дўст, Жўрабек Жаҳон шеърлари ҳам ўз муаллифларининг истиқболда катта шоир бўлишлари ҳақида ваъда бераётгандек туюлади. Туюлади эмас, сизни бунга ишонтиради, умидлантиради.

Тўплам сўзбошисида («Ёш кўнгиллар завқи») Ўзбекистон халқ шоири Иқбол Мирзо ёшлар шеърятини ҳақида чиройли гапни айтган. «Бундай завқлар бугунги ёшлар шеърятини ҳам бор, — деб ёзади шоир шеърдаги завқ, халқона ифоданинг таъсири ҳақида гапира туриб. — Улар худди болалигингизда қаттиқ чанқаб, лаблари қуриб қолган болакайнинг ташналиги пайтида туйган сувнинг таъмига ўхшайди».

Ҳа, бу ташналик — келгусида битилажак шоҳ асарлар учун ижодий ташналик, бўлса, не ажаб. Зеро, энг буюк асарлар ҳамиша ана шу чанқоқлик, ижодий иштиёқ, бир келганида чидаб бўлмас «оғрик»лар берадиган илҳом маҳсули ўлароқ дунёга келмаганми?

Бу чанқоқлик тенгдошларимизнинг ижодида келгусида халқимизнинг бебаҳо маънавий хазинасидан жой оладиган улкан асарларга туртки бўлади деб биз ҳам умид қиламиз.

Элмурод НИШОНОВ,
«Turkiston» мухбири

Ўзбекистонда ёшларга оид давлат сиёсати факт ва рақамларда:

• Мамлакатимизда ҳар йили таълим соҳасини ривожлантириш ва ислоҳ этишига ялли ички махсулотнинг **10-12 фоизи** ва Давлат бюджетига **35 фоизи** йўналтирилади. Бу аксарият хоржий давлатлардаги кўрсаткичлардан сезиларли даражада кўпдир.

• Франциядаги дунёга машхур «Инсад» халқаро бизнес мактаби томонидан Жаҳон интеллектуал мулк ташкилоти билан ҳамкорликда олиб борилган таҳлилларга кўра, **2012 йилда Ўзбекистон таълим тизимини ривожлантириш даражаси бўйича жаҳоннинг 141 мамлакатидан иккинчи ўринни эгаллади.**

• Ҳар йили юртимизда касб-ҳунар коллежларини таъминлаётган **450 минг нафардан ортиқ битирувчилар** иш билан таъминланмоқда.

• 1991 йил билан солиштирганда, республикаимизда аҳолининг ўртача умр кўриши **67 ёшдан 73 ёшга узайди.** Шунингдек, бу давр ичида оналар ўлими **3,1 мартаба**, гўдақлар ўлими **3,2 мартаба** қисқарди.

Анжуман Олий ва ўрта махсус таълим вазирлиги, Ўзбекистон Республикаси Президентининг иштиқолли ёш педагог ва илмий кадрлар малакасини ошириш «Истеъдод» жамғармаси, «Камолот» ёшлар ижтимоий ҳаракати ва Ўзбекистон Фанлар академияси билан ҳамкорликда ташкил этилди.

Ёшлар иход саройида бўлиб ўтган анжуманинг ялли мажлисида ҳукумат вакиллари, ёшлар таълим-тарбияси, уларнинг жамиятда ўз ўринларини топишларига кўмаклашувчи давлат ва нодавлат ташкилотлар, масъул вазирлик ва идораларнинг мутасадди раҳбар ва ходимлари, ёшларга доир долзарб масалалар бўйича илмий изланишлар олиб бораётган олимлар ва ёш тадқиқотчилар, профессор-ўқитувчилар, фаол ҳамда ташаббускор ёшлар, Зулфия номидаги Давлат мукофоти совриндорлари, қатор номдор стипендия ва республика танловлари ғолиблиари, оммавий ахборот воситалари вакиллари иштирок этди.

Бугун биз глобал дунёда яшаймиз. XXI аср эса интеллектуал мулк ҳукмронлик қилувчи аср сифатида эътироф этилмоқда. Бундай давр ва шароитда инсон капитали, уни ривожлантириш ҳамда бунёдкорлик мақсадларига йўналтириш низохота долзарб аҳамадий касб этади. Энди юртимизга юзланасан. Ўзбекистон — ёшлар мамлаката. Республика аҳолисининг 62 фоизидан зиёдини 30 ёшгача бўлган ёшлар ташкил қилади. Дунё давлатлари билан таққослаганда, бу улкан инсон капитали дематқир. Аммо ундан самарали фойдаланиш, яъни ёшларнинг ҳаётий энергияси: билими, интеллектуал салоҳияти, кучи, ғайрати ва шижоатини тўғри йўналтириш, уларга иқтидорини рўёбга чиқаришлари, жамиятда ўз ўринларини топишлари учун шароит яратиш жуда муҳим. Бу эса, мамлакатда аниқ мақсадларга қаратилган ёшларга оид давлат сиёсати мавжуд бўлишини тақозо этади. Zero, ёшларни ўз ҳолига ташлаб қўйган ёки ёшлар масалаларига етарлича эътибор бермаган давлатларда бугун қандай нохуш воқеалар юз бераётгани, тартибсизлик ва бошбошдоқлик ҳукм сураётгани барчамизга аён.

Мустақилликнинг дастлабки йилларида ноқ мамлакатимизда ёшлар сиёсатини амалга оширишнинг яхлит стратегияси шакллантирилди. Биринчи навбатда, бу борада мустақкам қонунчилик базасини яратишга алоҳида эътибор қаратилганини таъкидлаш ўринлидир. «Ўзбекистон Республикасида ёшларга оид давлат сиёсатининг асослари тўғрисида»ги қонун 1991 йил 20 ноябрда қабул қилинган.

Ҳозирги кунга келиб, республикаимизда ёшлар ҳаёти ва фаолиятига дахлдор, уларнинг турли соҳалардаги ҳуқуқ ва манфаатларини ҳимоя қилишга қаратилган жами юзга яқин қонун ҳужжатлари амал қилмоқда.

Ўзбекистонда ёшларга оид сиёсат давлат фаолиятининг устувор йўналиши ҳисобланади. Унинг бош мақсади ёшларнинг ижтимоий шаклланиши, камол топиши, иходий иқтидорини жамият манфаатлари йўлида тўла-тўқис рўёбга чиқариш учун ижтимоий, иқтисодий, ҳуқуқий, ташкилий жиҳатдан шарт-шароит яратиш ҳамда буларни қафолатлашдан иборат. Эътиборли жиҳати шундаки, юртимизда мамлакатни модернизациялаш ҳамда фуқаролик жамиятини барпо этиш жараёнлари изчил давом этаётган айна пайтда ёшларга оид давлат сиёсатини амалга оширишда нафақат давлат тузилмалари, балки нодавлат ташкилотлар ҳам бирдай фаол иштирок этиб келяпти. 2001 йил 25 апрелда Президентимизнинг ташаббуси билан Ўзбекистон «Камолот» ёшлар ижтимоий ҳаракати ташкил этилди. Ўз фаолияти йўналишлари ҳамда кўлами жиҳатидан у республикаимиздаги энг йирик нодавлат-нотижорат ташкилотлардан бири ҳисобланади. Айни пайтда Ҳаракат ўз атрофида 5,5 миллионга яқин ёшларни бирлаштирган. Ҳаракат ҳомийлигида 10 ёшдан 14 ёшгача бўлган ёшлар учун «Камалак» болалар ташкилоти тузилган.

Бундан ташқари, 1998 йилдан бошлаб сиёсий партиялар тизимида ҳам ёшлар билан

ВАТАН КЕЛАЖАГИ — ЁШЛАР ҚЎЛИДА

Тошкент шаҳрида «Ўзбекистон Республикасида ёшлар сиёсатини амалга оширишнинг долзарб масалалари» мавзуидаги республика илмий-амалий анжумани бошланди



ишлаш тизимлари вужудга кела бошлади. Ҳозир республикаимиздаги тўртта сиёсий партия ўз «Ёшлар қаноти»га эга. Шунингдек, бугунги кунда юртимизда фаолият кўрсатаётган «Ўзбекистон маданияти ва санъати форуми», «Меҳр нури», «Соғлом авлод учун», «Сен ёлғиз эмассан» жамғар-

малари, «Келажак овози» ёшлар ташаббуслари маркази каби бир қатор нодавлат-нотижорат ташкилотлар ҳам ёшлар сиёсатини рўёбга чиқариш йўлида хизмат қилмоқда.

Дарвоқе, «Ўзбекистон Республикасида ёшлар сиёсатини амалга оширишнинг дол-

зарб масалалари» мавзуидаги республика илмий-амалий анжумани мустақил тараққий-етимиз даврида илк мартаба республика масшабидида ўтказилаётгани ҳам муҳим аҳамиятга эга. Бундай йирик форум ўз-ўзидан ташкил этилгани йўқ, албатта. Аввал таъкидлаганимиздек, Ўзбекистонда ёшларга оид давлат сиёсати мустақилликнинг дастлабки йиллариданоқ амалга ошириб келиняпти. Демак, бу борада муайян тажириба тўпланган. Муҳими, ўтган йиллар давомида республикаимизда ёшлар ҳаёти ва фаолияти билан боғлиқ долзарб масалалар, аниқроғи, масалалар комплекси белгилаб олинди. Ҳозир уларни номма-ном санаб ўтиш мумкин. Жумладан, мустақил фикрлайдиган, маънавияти юксак, ўз ҳаётий позицияси ва мустақкам эътиқодига эга ёш авлодини тарбиялаш, ёшларнинг иходий ва интеллектуал салоҳиятини рўёбга чиқариш, уларнинг ҳуқуқий маданиятини шакллантириш ва ижтимоий фаолигини ошириш, ёшларда соғлом турмуш тарзини қарор топтириш ҳамда спортга кенг жалб этиш каби масалалар мамлакатимизда амалга оширилаётган ёшларга оид давлат сиёсатининг муҳим устувор йўналишлари ҳисобланади.

Қўриқдаги масалалар юзасидан юртимизда амалга оширилаётган кенг кўламли ишлар ва эришилаётган натижалар ҳақида ялли мажлисда Ўзбекистон Республикаси Президенти ҳузурдаги Давлат бошқаруви академияси ректори А.Абдувоҳидов, «Камолот» ёшлар ижтимоий ҳаракати Марказий Кенгагининг раиси Б.Фаниев, Ўзбекистон

Республикаси Олий Мажлиси Сенати аъзоси, Ўзбекистон Ёзувчилар уюшмаси раисининг ўринбосари, Ўзбекистон Халқ шоири И.Мирзаалиев, Ўзбекистон Республикаси Президентининг «Истеъдод» жамғармаси ижрочи директори А.Пардаев, Республика педиатрия ихтисослаштирилган илмий-амалий тиббий марказининг катта илмий ходими Н.Алиева, Тошкент давлат юридик институтининг магистранти, Ўзбекистон Республикаси Президенти Давлат стипендияси соҳибига Э.Ҳамроев, Тошкент давлат педагогика университетининг профессори Э.Юзликеева ва бошқалар сўз юритди. Шунингдек, ушбу йўналишлар импонияга илмий-амалий анжумани шўбаларининг (улар жами олтига) мавзуларида ҳам ўз ифодасини тошган.

Шўъба йиғилишларида 250 нафардан зиёд олимлар, ёш тадқиқотчи ва мутахассислар, талаба-ёшлар иштирок этмоқда. Анжуман қатнашчилари ҳар бир мавзу йўналиши бўйича қилинган маърузалардан келиб чиққан ҳолда ўз фикр, тақлиф ва мулоҳазаларини билдириш импонияга эга. Муҳокамалар жараёнида тўпланган фикрлар умумлаштирилиб, улар асосида ёшларга оид давлат сиёсатини такомиллаштиришга қаратилган илмий ҳулоса ва таъвиялар ишлаб чиқилади. Анжуманининг яна бир муҳим мақсади ана шунга қаратилган. Бошқача қилиб айтганда, икки кунлик форум мамлакатимизда ўтган даврда ёшлар сиёсатининг устувор йўналишлари бўйича қилинган ишлар амалиётчи-мутахассислар, яъни ёшларга оид давлат сиёсатини амалга оширишда иштирок этувчи масъул давлат органлари ҳамда нодавлат ташкилотлар вакилларининг қарашлари асосидагина эмас, балки бу масалани илмий томондан ўрганаётган назарий-олимлар нуктаи назаридан ҳам таҳлил этиш имконини берувчи умумий мулоқот майдонига айланмоғи керак. Анжуман ташкилотчиларнинг таъкидлашича, ҳукумат доирасида ёшлар сиёсати бўйича истиқболдаги вазифаларни белгилашда бундай илмий-амалий ҳамкорлик асосида олинган ҳулосалардан фойдаланиш кўзда тутилган.

Республика илмий-амалий анжуманининг очилишида Ўзбекистон Республикаси Бош вазирынинг ўринбосарлари Э.Боситхонова, А.Икромов иштирок этди.

Анжуман ўз ишини давом эттирмоқда.

Наргиза УМАРОВА, «Turkiston» мухбири



Иқбол Мирзо, Олий Мажлиси Сенати аъзоси, Ўзбекистон Ёзувчилар уюшмаси раиси ўринбосари, Ўзбекистон Халқ шоири:

— Залга кириб келишимиз билан кўргазмага гувоҳ бўлдик. У ерда ёшларнинг ҳаётга татбиқ этилган инновацион ғояларини кузатиб, гурурланасан, киши. Аслида, ишбилармонлик, билимдонлик, зукколик, изланувчанлик ўзбек халқига хос бўлган фазилат. Муҳтарам юртбошимиз раҳнамолигида мана шундай талантиларни, иқтидор соҳибларини қўллаб-қувватлаш, уларга шароит яратиб бериш бугунги куннинг муҳим масалалари қаторида турибди. Бу илм соҳасида дейсизми, ишлаб чиқаришимиз, спортми, санъатми, адабиётми — ҳамма соҳани қамраб олади. Бизнинг ёшларимиз дунё билан бўйлашадиган ёшлардир. Бугунги конференцияда ана шундай ташаббускор, ғайрат-шижоатга тўла ёшлар қатнашмоқда.

Конференциянинг бироз баҳс ва танқидий руҳда ўтаётгани мени қувонтирди. Чунки танқид бор жойда ўсиш, ривожланиш бўлади. Конференцияда қатнашаётган ҳар бир ёш эртага амалда қўллаши мумкин бўлган долзарб ва қизиқарли тақлифларни билдирмоқда. Уларнинг ёшлар сиёсати бўйича ёниб яшаётгани, қурашчанлиги мени қувонтирди.



Рустам Қобиллов, «Камолот» ЕИХ Самарқанд шаҳар кенгаши раиси:

— Ушбу конференциянинг мамлакатни демократик янгилаш жараёнида ёшларнинг ҳуқуқий маданиятини шакллантириш ва ижтимоий фаолигини ошириш мавзусига бағишланган 3-шўъба ишида иштирок этаяман. Унда «Ёшларнинг глобал таъкид қарарини ривожлантириш оммилари» мавзуидаги маърузам билан қатнашаман. Бугунги ёшларни мамлакатимизда ва хорижда бўлаётган жараёнлар билан яқиндан таништириб бориш зарур. Биз Самарқанд шаҳридаги олий таълим муассасаларидаги беш юз нафардан ортиқ талабалар ўртасида социологик тадқиқот ўтказдик. Тадқиқот талабаларининг Ўзбекистон геоиқтисодий сиёсати тўғрисидаги ташуунча ва билимларини аниқлашга қаратилди. Унинг натижалари ҳам маърузамда акс этган. Бугунги конференцияда назарий-олимлар, амалиётчилар, ёш тадқиқотчилар, шу билан бирга, бевосита ёшлар билан шуғулланадиган ташкилотлар вакиллари тўпланган. Бу ерда ёшлар сиёсати ҳам назарий, ҳам амалий жиҳатдан таҳлил қилиниб, мамлакатимизда ёшларга оид давлат сиёсатининг истиқболдаги вазифалари белгилаб олинди.

Албатта, бу ерга самарқандлик ёшлар томонидан билдирилган тақлифларини ҳам олиб келганмиз. Улардан бири ёшларнинг ҳуқуқий ва ижтимоий фаолигини оширишга қаратилган. Бунда ҳар бир худудда вилоят адлия бошқармалари билан биргаликда тарғибот лойиҳаларини ишлаб чиқиш тақлифи илгари сурилган. Биз ушбу тақлиф доирасида коллеж ўқувчилари ўртасида «Конституция билимдони» танловини ўтказиб кўрдик. Танловда иштирокчилар Конституцияимизнинг ҳар бир боб ва моддасини шарҳлаб беришиди. Бу эса ўқувчи-ёшларнинг Конституцияимиз борасидаги билиминини янада мустаҳкамлади. Уйлаймизки, ёшлар орасида бундай тадбирларни кўпроқ ўтказиш зарур. Уларни қабул қилинаётган қонун ва қабул қилиниши режалаштирилаётган қонун лойиҳаларининг муҳокама жараёнлари билан таништириш мумкин.



Сафоҳат Шаропова, Гулистон давлат университети педагогика психология кафедрасининг психология фани ўқитувчиси:

— Ёшлар сиёсатига бағишланган бугунги конференцияда «Имконияти чекланган болаларни тарбиялаётган оилаларга психологик кўмак бериш масалалари» мавзуидаги маърузам билан қатнашяпман. Бу ҳам ёшлар сиёсатида муҳим аҳамиятга эга. Бугунги фаровон юртимизда ҳар бир ота-она фарзандлари баркамол бўлиб вояга етишини хоҳлайди. Психолог сифатида имконияти чекланган болалар тарбияланаётган оилаларни ўрганиб чиқдим. Ва бу оилалардаги психологик иқлим ҳозирги замон психологиясига тўғри келмаслигини аниқладим. Уларга психологик кўмак бериш керак. Жумладан, имконияти чекланган болани жамиятдан олиб қочмаслик, боланинг имкониятига қараб тегишли тарбия ва таълимни қўллаш, имкон қадар мутахассис суҳбати ва кўриқда бўлишини таъминлаш, боланинг дунёқарashi ва қизиқишларини ўрганиб чиқиш, бирор касб ёки ҳунарга йўналтириш, соғлом тенгдошларига тенглаштиришга эришиш зарур. Конференция доирасида бундай масалалар атрофича муҳокама этилиб, ёшлар сиёсатининг турли йўналишларидаги истиқболли вазифалари ишлаб чиқилади, деган умиддаман.

Исроил Йўлдошев, Ўзбекистон Фанлар академияси физика-техника институтини кичик илмий ходими:

— Бугунги конференция биз, ёш тадқиқотчилар учун ҳам фойдали бўляпти. Бу ерда ўзимизнинг инновацион технологияларимиз асосида яратилган махсулотларни намойиш этаямиз. Қолаверса, тенгдошларимизнинг энг инновацион технологиялари билан танишяпмиз. Фараз қилинганга, уяли телефонда гаплашмоқчисиз, афсуски, телефон батареясининг заряди тугаган. Ён-атрофингизда зарядлаб олишга ҳам имкон йўқ. Бундай вазиятда биз ишлаб чиққан кичик қувватли кўёш батареяси мушкулнигизни осон қилади. У бир-икки соат ичида телефон батареясини кўёш нури ёрдамида зарядлаб беради. Ҳозирда бизнинг институтда универсал кўёш заряд қурилмалари, комбинациялашган фото иссиқлик айлантргич қурилма (бир вақтининг ўзида ҳам электр энергияси, ҳам иссиқ сувни етказиб беради), ноутбук, радио-прёмёнки, рақамли фотоаппаратларнинг аккумулятор системасини кўёш батареялари ишлаб чиқилмоқда. Ёнг арзон кўёш батареясини бир соатда 170 Ватт ток ишлаб чиқаради. Саккиз соатда 1,5 киловатт энергияни ишлаб чиқаради. 1,5 киловаттга эга бўлган энергия битта телевизор ва кам қувватли олтита лампани ишлашга қодир.

«Turkiston» мухбири Рустам ЮСУПОВ ёзиб олди

Ўзбекистонда ёшларга оид давлат сиёсати факт ва рақамларда:

• 2011 йилда «Болаларни асрайлик» халқаро ташкилоти томонидан тузилган жаҳон рейтингда Ўзбекистон болалар саломатлигини мустақкамлаш борасида катта ғамхўрлик кўрсатаётган энг илғор етакчи ўнта мамлакат қаторига киритилган.

• 2012-2013 йилларда юртимизда ёш оилалар учун жами **100 та кўп қаватли уй** қурилиши ишлари амалга оширилмоқда. Ўтган йилнинг ўзида **2 минг 400 та квартира** фойдаланишига топширилди.

• Айна пайтда Ўзбекистонда **6 ёшдан 15 ёшгача бўлган 1,6 миллион бола** ёки юртимиздаги болаларнинг **35,6 фоизи спорт** билан мунтазам шуғуланмоқда.

• Мустақиллик йилларида республикаимизда бунёд этилган болалар спорти объектларининг **мингдан зиёди** қишлоқ жойларда қад ростлади.

• Мустақиллик арафасида Ўзбекистонда ёшлар масалаларини ёритувчи **ўнта** газета ва журнал чоп этилган бўлса, бугунги кунга келиб уларнинг сони **юздан ошди.**



Спорт ва маърифат — икки қанот

Қадимийлик ва замонавийлик туташган гўзал Бухоро шаҳрида бу йил талабаларнинг энг сеvimли мусобақаси — «Универсиада» спорт ўйинлари бўлиб ўтади. Мамлакатимизда йўлга қўйилган уч босқичли спорт мусобақаларининг тўнғичи саналмиш бу йирик спорт анжуманига Бухоро вилоятида қизгин ҳозирлик кўрилмоқда. Янги спорт иншоотлари қурилиб, мавжудлари таъмирланаяпти, йўллар янгиланиб, спорт мусобақалари ўтказиладиган иншоотлар жойлашган ҳудудларнинг янада кўркам ва обод бўлишларига катта эътибор қаратилаётир.

«Универсиада — 2013»нинг аввалги универсиадалардан ҳам эса қоларли, чиройли ва бетакрор ўтиши учун барча имкониятлар ишга солинаяпти. Хўш, талабаларнинг бу йилги ўзига хос спорт фестивали нимаси билан ёдда қолиши мумкин? Мамлакатимизда «Универсиада» спорт мусобақаларининг тарихи, аввалги мусобақаларнинг эътиборга молик жиҳатлари хусусида тўхталар эканмиз, ўйлаймизки, юқоридаги саволга жавобни, албатта, топамиз.


УНИВЕРСИАДА — ОРЗУЛАР МУСОБАҚАСИ

Бу орзу — мусобақада қандай қилиб бўлмасин, мен ғолиб бўламан, медаль оламан, деган орзу эмас. Универсиада — мен учун трамплин, унда ўзимни кўрсатсам, профессионал мураббийлар назарига тушаман, жаҳон чемпиони бўлиб, шуҳрат қозонаман, деган орзугина ҳам эмас. Бу орзу — ёш авлоднинг камолини кўриш, фарзандларнинг етук, ҳар томонлама баркамол, келгусида юрт манфаатининг забардаст ҳимоячиси, халқпарвар инсонлар бўлиб етишларини кўриш орзусидир. Ота-она зурриёидидан қандай умид қилса, Ватан ҳам ўз фарзандларидан шундай умид қилади.

«Универсиада» эса, мамлакатимизда ўтказиб келинаётган барча танлов ва мусобақалар каби, у хоҳ спорт мусобақаси, фан олимпиадаси, фестиваль бўладими, ана шу умидлар рўёбга чиқадиган, юртга фидойи фарзандлар — шулар, дея кўрсатиб берадиган кенг миқёсдаги анжумандир.

Хали тилимизда «мустақилликнинг дастлабки йиллари» деган ибора фаол бўлган, бинобарин, келажак учун муҳим пойдевор қўйилаётган кезларда мамлакатимиз Президенти ташаббуси ва раҳнамолиги билан

ташқил этиладигани, уларда ёшларнинг жуда катта қисми қамраб олинади. Масалан, етти ёшдан ўн олти ёшгача бўлганлар — умумтаълим мактаб ўқувчилари учун «Умид ниҳоллари», ўн олтидан ўн



жаҳондаги бирор-бир мамлакатда йўлга қўйилмаган тизимга асос солинди. Бу ёшларнинг жуда катта қатламини жисмоний тарбия ва спортга жалб этиш, образлироқ қилиб айтганда, миллион-миллион ўсмир ва ёшларнинг спортга бўлган қизиқишини рағбатлантириш эди. Такрор бўлса ҳам айтамыз: бу мусобақалар шундай тарзда

тўққиз ёшгача бўлган йигит-қизлар — академик лицей ва касб-хўна қоллежлари ўқувчилари учун «Баркамол авлод», ундан катта ёшдаги йигит-қизлар — олий таълим муассасалари талабалари учун «Универсиада» мусобақалари мунтазам ўтказиб борилади. Инсон умрининг айна навқирон, келажакка мустақам маънавий ва жисмоний пойдевор барпо этадиган даври учун бунинг нақадар бебаҳо аҳамият касб этишини ўйлаб кўринг. Бу ҳам тиббий, ҳам маърифий нуқтаи назардан қараганда, бениҳоя улкан тадбирдир. Бу мусобақаларда ёшлар биринчидан, жисмонан чиниқиб, мушаклари бақувват бўлса, иккинчидан, уларда ирода, сабр, матонат туйғулари ривожланади, ғалабага интилиш, мағлубиятга кўнмаслик, ҳамиша олдинга қадам ташлаш кўникмалари шаклланади. Ҳақиқий инсоний фазилатлари камол топади.

Бу масаланинг маънавий томони. Уч босқичли спорт мусобақаларининг жорий этилиши билан мамлакат спорт инфратузилмасида улкан ўзгаришлар юз берди. Юзлаб замонавий спорт иншоотлари бунёд этилди, бугун Ўзбекистон энг нуфузли халқаро мусобақаларни ўтказа олиш

салоҳиятига эга — уларни «Универсиада», «Баркамол авлод», «Умид ниҳоллари» учун махсус барпо этилган стадионларда, очиқ ва ёпиқ сув ҳавзаларида, теннис кортлари, спорт саройларида ўтказилади. Уч босқичли спорт мусобақаларида кашф этилган, тобланган спортчилар бугун жаҳон ареналарида юртимиз шарафини муносиб ҳимоя қилмоқда. Олимпиада ўйинларида, жаҳон ва қитъа чемпионатларида зафар кучмоқда. Энг муҳими, бугун одамларимизда спортга бўлган муносабат ўзгарди. Энди спорт кечагидек «бекорчилар ўйини» эмас, «нон-ош бермайдиган» аллақандай керакисиз соҳа эмас, у касб сифатида кишиларни ўзига қарата олди. Фарзанди, мен футболчи бўламан, деса, ота: «Кўй, ўғлим, нафи бор ишнинг бошини тут», демайди, аксинча, «Бўл, ўғлим, зўр футболчи бўл! Бўлгандаям, Миржалолдек бўл, Сервердек бўл!», дейди. Бундан чорак асрлар олдин кишилар теннис деган ўйиннинг борлигини эшитмаган бўлиши мумкин, бугун бу спорт тури бўйича ўзбекистонликлар ҳам жаҳонда етакчилар сафида эканидан ғурурланади. Авваллари шахмат бўлиши мумкин, бугун Ўзбекистондан шахмат бўйича жаҳон чемпиони борлигидан ҳар бир юртдошимиз фахрланади. Саккиз яшар ўзбек ўғлони тенгдошлари ўртасида шахмат бўйича жаҳон чемпиони бўлса, ҳеч ким ажабланмайди. Буям бўлса, спорт юртимиздаги ҳар бир хонадон-

«Универсиада»нинг очилиш ва ёпилиш маросимлари, шунингдек, енгил атлетика мусобақалари ўтказиладиган «Бухоро спорт мажмуаси» янги қиёфа касб этмоқда. Хусусан, унга жаҳон андозаларига мос келадиган катта электрон табло ўрнатилади. Прожекторлар янгиланиб, майдон атрофидаги югуриш йўлакчаларига янги резина қопламалар тўшалди. Мажмуа атрофи янада ободонлаштирилиб, янги асфальт ётқизиляпти, автомобиллар қўйиладиган жой таъмирланаяпти. «Хумо», «Дилқушо» теннис кортлари, «Динамо» ва «Семурғ» спорт мажмуаларида ҳам ишлар режа асосида олиб борилаётир. Бухоро давлат университетида 18х36 метр ўлчамдаги янги спортзал қурилмоқда. Шаҳардаги олий таълим муассасалари ва касб-хўна қоллежларига тегишли талабалар тураржойлари ҳам таъмирдан чиқариляпти — «Универсиада» иштирокчилари учун.

Мусобақаларни томоша қилиш учун келадиган меҳмонлар, албатта, кўҳна ва ҳамиша навқирон шаҳарни айланишни, ундаги кўркам обидаларни зиёрат қилишни исташади. Уларнинг йўллари равон ва ойдин бўлиши учун ҳам эътиборга молик ишлар қилинаяпти. Шаҳардаги умумий узунлиги 20 километрдан зиёд йўللарда таъмирлаш ишлари кетаяпти.

— Бугун шаҳримиз катта тўйга тадорик кўраётган улкан хонадонни эслатади, — дейди бухоролик тенгдошимиз Сухроб Шеров. — «Универсиада»га каттаю кичик бирдай ҳозирлик кўраяпти. Ўзимга ҳам мусобақаларни ва унғача бўладиган жараёнларни ёритиб бориш вазифаси юкланган. Тўғриси



га кириб борганидан, йўқ-йўқ, ҳар бир юракка кириб борганидан дарак беради.

ТАРАДДУД

Бухорода иш қизгин. Мухбирларимизнинг хабар беришича, «Универсиада» спорт мусобақаларига иккинчи бор мезбонлик қилаётган (бундан аввал қадимий шаҳарда бу мусобақалар 2002 йилда ўтказилган) бухороликлар бу гал ҳам унга жиддий ҳозирлик кўришмоқда.

айтсам, берилиб ишлаяпман. Бу йилги «Универсиада» талаба дўстларимиз ёдида бир умр қолишига ишонаман.

Ҳа, ўн уч йилдан буён ҳар уч йилда бир марта ўтказиб келинаётган талабаларнинг ўзига хос олимпиадаси — «Универсиада» унда иштирок этадиган ва уни кузатиб борадиган ҳар бир ёш йигит-қиз учун унутилмас онларни ҳадя этишига биз ҳам ишонамиз.

Элмурод НИШОНОВ,
«Turkiston» муҳбири

ҲАММАСИ УНИВЕРСИАДА ҲАҚИДА

«Универсиада» сўзи университет ва олимпиада сўзларидан ясалган бўлиб, талабаларнинг бутунжаҳон спорт мусобақалари шундай номланган. Ўзбекистонда шундай номдаги спорт ўйинлари илк бор 2000 йилда Наманган шаҳрида ўтказилган.

Бу йил «Универсиада» спорт ўйинлари мамлакатимизда олтинчи бор ўтказилади. Унғача бу мусобақалар 2000, 2002, 2004, 2007 ва 2010 йилларда ўтказилган.

Бухоро «Универсиада» спорт ўйинларига иккинчи марта мезбонлик қилаётган биринчи шаҳарга айланди. Бунгача «Универсиада» бу шаҳарда 2002 йилда ўтказилган эди.

Машҳур полвон, дзюдо бўйича жаҳон чемпиони, Олимпиада ўйинлари совриндори Ришод Собиров ҳам «Универсиада» спорт мусобақаларида тобланган спортчилардан. У 2007 йил Тошкент шаҳрида бўлиб ўтган мусобақаларда иштирок этган.

ЖУРНАЛИСТИКА СОҲАСИДА «ОЛТИН ҚАЛАМ» VIII МИЛЛИЙ МУКОФОТИ

Ўзбекистон Журналистлари ижодий уюшмаси Журналистларни қайта тайёрлаш халқаро маркази билан ҳамкорликда миллий ва халқаро журналистиканинг энг юксак ютуқларини кенг оммалаштириш, ОАВ ходимлари фуқаролик позицияларини намоён этишлари учун шароит яратиш ҳамда журналистларда танқидий фикрлашни ва ижодий фаолиятга янги ёндошувларни шакллантириш мақсадида «Олтин қалам» VIII Миллий мукофоти учун халқаро танловни ўтказди.

3 май — Жаҳон матбуоти эркинлиги кунига бағишланган бу танловга 2012 йилнинг 31 мартидан 2013 йилнинг 31 мартигача — бир йил давомида газета ва журналларда чоп этилган, радио орқали эфирга узатилган ҳамда телевидениеда кўрсатилган ва интернет нашрларида берилган материаллар 2013 йилнинг 10 апрелигача қабул қилинади.

Танлов ғолиблари учун куйидаги мукофотлар таъсис этилган:

Журналистика соҳасида бош миллий мукофот. Ғолиб махсус диплом, «Олтин қалам» кўкрак нишони, статуеткаси ва Ўзбекистон

Республикасида белгиланган энг кам иш ҳақининг 200 баробари миқдоридан пул мукофоти билан тақдирланади.

Асосий мукофотлар:

Энг яхши журналистик материал учун миллий мукофот (телевидение — 1, 2, 3-ўринлар);

Энг яхши журналистик материал учун миллий мукофот (радио — 1, 2, 3-ўринлар);

Энг яхши журналистик материал учун миллий мукофот (босма ОАВ — 1, 2, 3-ўринлар);

Энг яхши журналистик материал учун миллий мукофот (интернет-журналистика — 1, 2, 3-ўринлар).

Биринчи ўринни олган ғолиблар диплом, «Олтин қалам» кўкрак нишони, статуеткаси ва энг кам иш ҳақининг 160 баробари миқдоридан пул мукофоти билан тақдирланадилар.

Иккинчи ўринни олган ғолиблар диплом, «Олтин қалам» кўкрак нишони, статуеткаси ва энг кам иш ҳақининг 140 баробари миқдоридан пул мукофоти билан тақдирланадилар.

Учинчи ўринни олган ғолиблар диплом, «Олтин қалам» кўкрак нишони, ста-

туэткаси ва энг кам иш ҳақининг 120 баробари миқдоридан пул мукофоти билан тақдирланадилар.

«Олтин қалам» танлови ғолибларини мукофотлаш, шунингдек, уни ўтказиш билан боғлиқ сарф-харажатлар Ўзбекистон Республикаси Олий Мажлиси ҳузуридаги Нодавлат нотижорат ташкилотларини ва фуқаролик жамиятининг бошқа институтларини қўллаб-қувватлаш жамоат фондининг молиявий кўмагида амалга оширилади.

Шунингдек, қатор халқаро ташкилотларнинг Ўзбекистондаги ваколатхоналари ҳам ўз рағбатлантирувчи мукофотларини таъсис этган.

Танловга теле-, радио-, босма материаллар ҳамда интернет нашрларида эълон қилинган ишлар тақдим этилади (5 тадан кам бўлмаслиги керак).

Телевидение бўйича видеоматериаллар, ахборот ташувчи воситанинг қандай кўринишда бўлишидан қатъи назар, 3 минутдан 30 минутгача бўлиши керак.

Радиоэшиттиришлар (аудиокассета ёки системали диск) 5 минутдан 30 минутгача бўлиши керак.

Матбуот ва интернет материаллари даврий нашрининг асл нусхаси ёки кўчирма нусхасида тақдим этилиши лозим.

Танловга юборилган материалларга куйидагилар илова қилинади:

— муаллифнинг исми-шарифи, профессионал фаолияти тўғрисида қисқача маълумот;

— муаллифнинг тураржойи, уй ва иш телефонлари;

— паспорт нусхаси.

Танлов ғолибларини мукофотлаш маросими Жаҳон матбуоти эркинлиги кунини — 2013 йил 3 майда тантанали равишда ўтказилади.

Мукофот бир шахсга такроран берилмайди.

Материаллар «Олтин қалам» танловига деб кўрсатилган ҳолда куйидаги манзилга юборилиши лозим:

Ўзбекистон Республикаси, 100129, Тошкент шаҳри, Навоий кўчаси, 30-уй. Ўзбекистон Журналистлари ижодий уюшмаси 3-қават, 30, 35-хоналар. Телефонлар: 244-64-61; 244-64-62; 244-37-87. www.Journalist.uz

Mutaxassislik sari

Олти нафар битирувчига имтиёзли кредит

Сирдарё вилоятининг Ховос туманидаги Гулбаҳор қишлоқ хўжалиги касб-хунари коллежи ўзига хос салоҳиятга эга бўлган таълим масканларидандир.

Айни чоғда таълим муассасасининг қишлоқ хўжалиги соҳаси учун ёш мутахассислар тайёрлашга алоҳида эътибор қаратаётганлиги диққатга сазовор.

Бундан етти йил муқаддам барпо этилган 600 ўринли замонавий кўринишдаги мазкур касб-хунари коллежи биноси Гулбаҳор кўригига кўрк бағишлаб турибди. Ана шундай билим даргоҳида таҳсил олаётган 729 нафар ўқувчига эллик нафарга яқин ўқитувчилар ҳамда ишлаб чиқариш таълими усталари сабоқ беришяпти.

Коллежда қишлоқ хўжалигини механизациялаштириш, энгил саноат маҳсулотлари технологияси, фермер хўжалигини бошқариш ва юриштиш, ветеринария, бухгалтерия ҳисоби ва аудит, ахборот тизимлари ва технологиялари сингари мутахассисликлар бўйича тўлақонли билим бериш учун барча шароитлар муҳайё.

Физика, кимё, биология фанлари бўйича ўқув-лаборатория хоналари, информатика ва лингофон хонаси, қишлоқ хўжалигини механизациялаштириш ҳамда энгил саноат маҳсулотлари технологияси устанолари зарур ўқув жихозларига эга. Ахборот-ресурс маркази Ziyonet ва интернет тармоғига уланган бўлиб, ҳозирги кунда китобхоналарга жаҳон янгилликларидан хабардор бўлишлари учун қулай имкониятлар яратилган.

Албатта, ёшларга пухта билим бериш учун устозлар тажрибаси ва маҳорати жуда муҳим. Коллеж ўқитувчиларининг малакасини ошириш, уларни қайта тайёрлаш ишлари режа асосида олиб бо-

риляпти. Бундан ташқари, Гулистон давлат университети билан коллеж ўртасида мустақам ҳамкорлик алоқалари ўрнатилган.

Таълим муассасасида мавжуд йўналишлар бўйича ўқув амалиётлари пухта олиб борилади. Битирувчиларни ишга жойлаштириш, уларнинг кичик бизнес ва тадбиркорлик билан шуғулланишларига алоҳида эътибор қаратилади. Чорвачилик, хусусий тадбиркорлик фаолиятлари билан шуғулланишлари учун коллеж битирувчиларидан 6 нафарига 11,5 миллион сўм миқдоридан имтиёзли кредит маблағлари берилганлиги ҳам ана шундан далолатдир.

Коллеждаги ўқув-тарбиявий жараённинг муваффақиятли кечиши, шубҳасиз, маънавий-маърифий ишларнинг самарали олиб борилиши билан боғлиқ. Бу борада маънавий-маърифий ишлар бўйича директор ўринбосари Дилфуза Шамшиеванинг саъй-ҳаракатларини алоҳида таъкидлаш лозим. Айниқса, унинг доимо ёшлар орасида эканлиги, ҳар бир ўқувчининг қалбига йўл топиб, меҳр ила иш тутиши диққатга сазовор. Эътиборли томони шундаки, ўтган йили республика илмий-амалий конференциясида Дилфуза Шамшиева маънавий-маърифий тарбия самарадорлигини ошириш мавзусида маъруза қилди. Ушбу маъруза яқинда китоб ҳолида чоп этилади.

Ўқувчи-ёшларнинг бўш вақтларини

мазмунли ташкил этиш мақсадида коллежда 27 та фан ва спорт тўғрисида фаолият кўрсатади. Тўғрақларга жами 627 нафар ўқувчи жалб этилган.

Ўзбекистон Республикаси «Вояга етмаганлар ўртасида назоратсизлик ва ҳуқуқбузарликларнинг профилактикаси тўғрисида»ги қонуни ижросини таъминлаш бўйича белгиланган тартибда тадбирлар амалга оширилмоқда. Вояга етмаганлар ишлари бўйича Ховос тумани комиссияси, туман прокуратураси, ички ишлар бўлими, диний идоралар вакиллари, ўзини ўзи бошқариш органлари, «Камолот» ЁИХ туман кенгаши билан ҳамкорлик йўлга қўйилган. Айнан улар иштирокида жиноят ва ҳуқуқбузарликнинг олдини олиш, соғлом турмуш тарзини тарғиб этишга оид учрашувлар, давра суҳбатлари мунтазам ўтказиб бориляпти.

— Ёшларимиз онгидан миллий истиқлол ғоясини шакллантириш, шу азият Ватаннинг муносиб фарзандлари бўлиш туйғусини уйғотиш асосий мақсадимиздир, — дейди биз билан суҳбатда Дилфуза Шамшиева. — Ўзбекистон Республикаси мустақиллигининг 21 йиллигига бағишлаб «Камолот» ЁИХ Ховос тумани кенгаши томонидан коллежда «Биз буюк юрт фарзандларимиз» шиори остида ўтказилган ёшлар фестивали ўқувчиларимизда катта таассурот қолдирди.

Дарҳақиқат, коллежда олиб бориладиган маънавий-маърифий ишлар кенг қамровли. Ота-оналар фарзандларининг шундай масканда таҳсил олаётганларини кўриб, улар эртанги кунимизнинг ҳал қилувчи кучи эканлигига ишонч ҳосил қилишмоқда.

Ашурали БОЙМУРОДОВ, «Turkiston» муҳбири



Тилла топган...

Австралиялик ҳаваскор олтин изловчи хазина топди. Исми ошкор этилмаётган бу одамнинг қўлига нақ 5 килограмм 505 грамм соф олтин тушди.

Бундан олдинги рекорд 3,66 килограммга тенг бўлиб, айнан шу — Виктория штатининг Балларат шаҳрида топилган эди. Янги бойвачча хазинани олтмиш сантиметр чуқурликдан топиб олди. Олтин билан шуғулланувчи мутахассисга олиб борганида эса, у шошиб қолади ва бундай катта миқдордаги соф олтинни умри давомида кўрмаганини айтади. Бу хазинага етишиш ниятида унга харидорлардан турли хил таклифлар тушмоқда. Энг юқори таклиф 300 минг Австралия доллари (315 минг АҚШ доллари)ни ташкил этади. Бироқ хазина эгаси бунга қўниш ниятида эмас. У музей ёки бирорта сахий коллекционер кўпроқ миқдорда пул таклиф қилишига умид қилмоқда.

Сохта журналистлар

Никарагуа ҳамда Гондурас суди мексикалик 18 нафар сохта журналистни 30 йилга озодликдан маҳрум қилди.

Бунга сабаб улар Мексиканинг «Televisa» телекомпанияси ходимлари номидан фойдаланиб, гиёҳванд моддалар сотган. Телекомпания логотипи ёпиштирилган олти нафар фургон машинада чегарага келган наркокуръерлар ўзларини журналист ва телекомпания техник ходими дея таништиради. Чегарачилар эса машиналарни кўздан кечирав экан, 9,2 миллион АҚШ доллари ҳамда миқдори сир тутилаётган бир неча килограмм гиёҳванд модда топди. Гондурас ҳукумати вакилларининг сўзларига қараганда, доимий тарзда Мексикадан яширин йўллар билан гиёҳванд моддалар олиб кирилишига ҳаракат қилинади, лекин бу сафар қутилмаган найранг йўлаб топилган.

Кўнгилсиз воқеа

Бразилия мактабларининг бирида қуролли ҳужум бўлди ва бу уч боланинг ўлими билан якунаанди.

Сан-Жералдуда жойлашган мактабда тез орада ўтказиладиган карнавалга тайёргарлик кўриляётган эди. 14 ёшдан 19 ёшгача бўлган болалар қутилмаганда ўққа тутилган. Сўнгги жиноятчилар воқеа жойидан ғойиб бўлган. Ҳозирда Бразилия полицияси гумондор шахсларни тергов қилмоқда. Бу воқеадан сўнг одамлар Бразилияда эркин қурол савдосини тўхтатишни талаб қилди. Бразилия ҳукумати вакиллари эса бир неча йил муқаддам халқдан шуни сўраганида, салбий жавоб олганини билдирди. Ушанда 190 миллион нафар одамнинг 64 фоизи қуроллари ёнларида қолиши тарафдори эди. Энди бўлса...

Интернет манбалари асосида Жавоҳир КАРОМАТОВ тайёрлади

Javohir

Алишер Навоий

Шўх ики физиолингги ноз уйқусидин уйғот,
То уйқулари кетсун гулзор ичида ўйноғ.

Тишлабки сочинг ўрдунг, очқанда паришон қил,
Офоқ саводинда жон ройиҳасин бутрот.

Кулбамга хайафшон кел, зулфунг қилиб ошuftа,
Анжум сипаҳин йиғдур, офоқ улусин қўзғот.

Ораз қуёшин очиб ашки қуруған қўзни
Қўп ҳажрда йиғлаттинг, бир васлда ҳам йиғлот.

Бир оҳ ила кул бўлдум, эй чарх, тилаб топиб,
Фарҳод ила Мажнунга ошиқлиқ ишин ўрғот.

Хоро тубига ётқунг, йўқ суд агар юз йил
Қўқ атласи устида жисмингги ётиб ағноғ.

Баэм ичра Навоий қўп йиғлар эса, эй соқий,
Хуш элтқучи дору жомига анинг чайқот.

Пойтахтимиздаги «Баркамол авлод» болалар ижодиёти маркази ўқувчилари орасида заргарлик тўғарида аъзолари талайгина. Улар устози — ёш уста заргар Абдурахим Шобобоев кўмагида қадимий хунар сир-асорларини қунт билан ўрганишади. Заргарлик бир қарашда диққатталаб, қийиндек кўрингани билан ўқувчилар уни ўрганишдан асло зерикмайди.

Суратда: Ёш заргар Абдурахим Шобобоев шогирдларига узукка кўз кўйишни ўргатмоқда.

Сардор МУЛЛАЖОНОВ фотолавҳаси



?

Мақтабда ўқийман. Келажақда ҳуқуқшунос бўлмоқчиман.

Бу йўналишда республикамиз университетларида ҳам факультетлар бор экан. Шунингдек, Тошкент давлат юридик институтида ҳам мазкур йўналишда мутахассислар тайёрланади. Айтинг-чи, институт ва университетнинг бир-биридан қандай фарқи бор? Уларнинг дипломлари бир-биридан устун бўлиши мумкинми?

Саволга Олий ва ўрта махсус таълим вазирлиги олий таълим муассасалари бош бошқармаси бошлиғи ўринбосари Барно Ражабов жавоб беради:

— Мамлакатимизда олий таълим муассасалари уч хил, яъни университет, академия, институт


Жамолдин, Бухоро шахри

мақомига эга. Мазкур таълим даргоҳларининг ўзига хос хусусиятлари ҳақида «Олий таълим тўғрисида»ги низомда батафсил таъриф берилган. Саволингизга келсак, Ўзбекистон миллий университети ва Тошкент давлат юридик институтида юриспруденция йўналишида мутахассислар тайёрланади. Бакалавриятнинг ушбу

1 savolga 1 javob

йўналиши битта таълим йўналиши ҳисобланади ва бир хил таълим стандартлари асосида талабаларга таълим берилади. Фақат юридик институт бакалаврият босқичининг таълим жараёнига қўшимча соатлар, танлов фанлари киритилган.

Дипломнинг «бир-биридан устун бўлиши» ҳақида шундай деймиш: қаерда эмас, қандай ўқиш муҳим. Университетда ҳам, институтда ҳам етарли билим олганлар етук мутахассис бўлишади. Билим олмаганлар қўша диплом билан ҳам яхши мутахассис бўлмаслиги мумкин.



Тузувчи: Фахриддин Раҳимов

Kaleidoskop

МУСАВВИРЛАР УСТОЗИ

Жаҳон тасвирий санъатининг энг ёрқин юлдузларидан бири, улғу мусаввир Камолиддин Беҳзод нафақат бетакрор санъаткор, балки ўз даврининг буюк шахсларидан, ўз соҳасининг устодларидан ҳам бўлган. Навоийнинг содиқ шогирдларидан саналмиш бу санъаткорнинг бевосита ўзидан таълим олган юзлаб шогирдлари бўлган. Улар орасида Самарқанд, Бухоро, Истанбул, Ҳирот ва Шарқнинг бошқа жуда кўп шаҳарларидан этишиб чиққан мусаввирлар бор эди. Бироқ унинг асарлари таъсирида мусаввирликни ихтиёр қилган минглаб санъаткорлар ҳам борки, улар «Беҳзод мактаби» вакиллари ҳисобланишади.

Тарихда ўтган, бугун номи санъат ихломандлари тилидан тушмайдиған, асарлари миллион-миллион евроларга баҳоланадиган рассомлар жуда кўп. Аммо Камолиддин Беҳзод каби ҳам забардаст санъаткор, ҳам буюк устоз мақомига эришган рассомлар жуда жуда кам.

ЛИФТ ЭМАС У, САМОЛЁТ!

Кўпчилигимиз кўпқаватли бинолардаги қулай «транспорт» — лифтан фойдаланганимиз. Дейлик, йигирма қаватли уйнинг йигирманчи қаватига чиқиб-тушиш ўзи бўладими, агар лифт бўлмаса! Чикасиз, у сизни ҳашпаш дегунча «осмону фалак»ка етказиб қўяди. Аммо соатига 36 километр тезликда эмас. Шундай тезликми, бу даҳшат-ку, дерсиз?

Ана шунча тезликка эга лифт Японияда қурилган экан. Ким билсин, кўп нарсаларда тезкор японияликлар учун бу тезлик ҳам камлик қилар, ҳар ҳолда, айтишларича, ўша лифтининг тезлигини бундан ҳам оширишининг иложи бор эмиш. Бироқ кимдир ўша лифт конструкторларига «Ҳай-ҳай, усталар, қўйингллар, шумсиям етади», деган чоғи, усталар «тўхташган». Мутахассислар кишиларда босим ўзгаришида юзага келадиған нохушликларни инобатга олишган экан.

Жасурбек ТОЛМАСОВ тайёрлади

YON DAFTARCHANGIZGA

Шижоатда шеру куч-қудратда фил бўлсанг ҳам, оловга ташланма — куйдиради.

Фахр Журжоний

Turkiston

МУАССИС:

«КАМОЛОТ»
ЁШЛАР ИЖТИМОЙ ҲАРАКАТИ
МАРКАЗИЙ КЕНГАШИ

Газета Ўзбекистон
Республикаси
Матбуот ва ахборот
агентлигида 2007
йил 19 апрелда
№ 0242 рақам
билан рўйхатдан
ўтган.



Бош муҳаррир:

Ашуrow Салим Тўраевич

Тахрир ҳайъати:

Баҳодир Фаниев, Меҳриддин Шуқуров (бош муҳаррир ўринбосари — «Turkiston»), Элмурод Нишоннов (масъул котиб — «Turkiston»), Ирина Кочергина (бош муҳаррир ўринбосари — «Молодежь Узбекистана»), Елена Калинина (масъул котиб — «Молодежь Узбекистана»), Рустам Қосимов

Навбатчи муҳаррир:

Умаров
Наргиза
Баҳодировна

Саҳифаловчи:

Рўзиев
Зафар
Хусанович

Газета тахририят компьютер марказида терилди ва саҳифаланди.

Манзилимиз: 100083, Тошкент,

Матбуотчилар кўчаси, 32.

Телефонлар: (371) 233-95-97.

Реклама бўлими: (371) 233-79-69

e-mail: turkiston@sarkor.uz

«Шарқ» нашриёт-матбаа акциядорлик компанияси босмаҳонасида, А-3 форматда чоп этилди. Ҳажми — 2 босма табоқ. Корхона манзили: «Буюк Турон» кўчаси, 41.

Буюртма Г-143.
Адади — 15225

Босишга топшириш вақти — 21.00
Топширилди — 23.40
ЎЗА якуни — 21.40

Офсет усулида босилган.

1 2 3 4 5 6